

# Pertandingan namakan anak Panda sedia hadiah MyVi

**Putrajaya:** Hadiah keseluruhan bernilai RM60,000 ditawarkan kepada pemenang Pertandingan Menamakan Anak Giant Panda yang berakhir 17 Disember ini, dengan hadiah utama sebuah PERODUA MyVi.

Peserta juga berpeluang memenangi dua motosikal jenis Demak Rino dan Demak DJ 90, jika memenuhi syarat pertandingan.

Menteri Sumber Asli dan Alam Sekitar, Datuk Seri Dr Wan Junaidi Tuanku Jaafar, berkata sebanyak 960 penyertaan sudah diterima sejak dibuka pada 17 November lalu.

## Harap terima lebih banyak penyertaan

"Kita harap lebih banyak penyertaan diterima untuk pertandingan itu," katanya pada sidang media khas sempena Pertandingan Menamakan Anak Giant Panda di sini, semalam.

Anak panda betina yang dilahirkan di Pusat Konservasi Panda Gergasi (GPCC) Zoo Negara pada 18 Ogos lalu, adalah anak pasangan panda Xing Xing dan Liang Liang yang tiba di Malaysia pada 21 Mei tahun lalu.